



Caderno da crítica

Cuestionario Proust: Baldo Ramos

[Ramón Nicolás](#) 25 marzo 2014

<https://cadernodacritica.wordpress.com/2014/03/25/cuestionario-proust-baldo-ramos/>

1.– Principal trazo do seu carácter?

– Ser paciente e non preguntar máis do debido.

2.– Que calidade aprecia máis nas persoas?

– A humildade e que sexan sinceras.

3.– Que agarda das súas amizades?

– Que non me traizoen máis do necesario.

4.– A súa principal eiva?

– Non saber confesarme como deus manda.

5.– A súa ocupación favorita?

– Ver medrar os meus fillos

6.– O seu ideal de felicidade?

– Que sexan felices cando medren.

7.– Cal sería a súa maior desgraza?

– Morrer e non decatarme.

8.– Que lle gustaría ser?

– De maior? Uf, xa me pasou o tempo de poder escoller.

9.– En que país desexaría vivir?

– Nunha Galicia que se entendera a si mesma.

10.– A súa cor favorita?

– O negro negro.

11. – A flor que máis lle gusta?

– A rosa de cor azul.

12.– O paxaro que prefire?

– O que non se deixa ver con facilidade.

13.– A súa devoción na prosa?

– Imos rezar algo por Faulkner ou Onetti.

14.– E na poesía?

– Os poetas sen sotana.

15.- Un libro?

– De papel.

16.– Un heroe de ficción?

– O que non pretende ser críbel.

17.– Unha heroína?

– A que non cre demasiado en si mesma.

18.– A súa música favorita?

– A música barroca.

19.– Na pintura?

– O expresionismo abstracto norteamericano.

20.– Un heroe ou heroína na vida real?

– A xente que fai ben a cambio de nada.

21.– O seu nome favorito?

A photograph of a piece of paper with the words "ALDARA E MATEO" written in a simple, hand-drawn style using dark ink. The letters are slightly irregular and spaced out.

22.– Que hábito alleo non soporta?

– A falta de sinceridade.

23.– O que máis odia?

– A xente que non sabe escoitar.

24.– A figura histórica que máis despreza?

– Hai tantos persoeiros da maldade, que resulta difícil escoller.

25.– Un feito militar que admire?

– O compromiso dos soldados que senten que traballan para unha ONG.

26.– Que don natural lle gustaría ter?

– O de ser árbore.

27. – De que maneira lle gustaría morrer?

– Cos ollos ben abertos

28.– Cal é o seu estado de ánimo máis habitual?

– O do morcego que descubriu as contrapartidas da luz.

29.– Que defectos lle inspiran máis indulxencia?

– A ignorancia e a incredulidade.

30.– Un lema na súa vida?

– Vive e deixa vivir.